



IQALUKTUUTIAQ, NU – April 20, 2020: Tapkuat Nunavut Avatiliriyit Katimayit (NIRB-kut uvaluniit Katimayit) quyagiqpiarumayat nakuutquplugulu tamna aulalirtuq Ataniuyunut Hivuliqti, Ryan Barry, ilitturiplugu angiyuqpiaqmik ikayuqhithihimania tapkununga NIRB-kut qangigtuni 13 ilaplugit ukiuni.

Ryan nuhimayuuq Ikaluktutiakmun angilraminit talvani Prince Edward Island talvani March 2007, angiqhugu havarinia tamnauniq Pitquhiliqutitut Uqautiyi tapkunani NIRB-kut aliahukpiahunilu atuliqtai atuqhimaniqni ilihimanilu Uumayuliriniq nutamun havaminut. Qilamik atuqpaliqhunigit nutaq angilrani havanilu, pihimaliqpiaqhunigit nunaliuyumun havanilu huli aulartaqhuni humutliqak Nunavut ikayuqhunigit tapkuat Katimayit naunaiyaininut. 2009-mi Ryan puqtuhigiaqtauyuuq talvunga Hivuliqti Pitquhiliqutitut Kivgaqtithulilutauq 2011-mi puqtuhigiaqtaupluni talvunga Ataniuyunut Hivuliqti, havariliqhugu hivilirniq havaq havaktinut aulatyutainutlu NIRB-kut.

Atuqtitlugu havakniqni tapkunani NIRB-kut, Ryan hivuliqtiuvaktuq uqautyiplunilu tapkunani timiuyumi tahapkunungalu amihunut Katimayit hilataani katutyiqatigit, iglaqtitivakhuni ayuitniqaqhunilu havaktiuqpiarniqmik havaminut. Hivuliqpaktuq ikayuqhhiutiplunilu atuttiaqninut amihunik inungnut katimanit, havaqatigiknit naalakvitlu huli hivunmuktittugit maligaliquitit pityuhit Nunavutmi humililuqak Kanatami. Ryan unaguittumik aturahuaqtitpaktai NIRB-kut piyumayainut kivgaqtuipulnulu havarittiaqhugu ukpiruiyauyyuq uqautiyi Katimayinut hivuliqtiuniqlu timiuyumun.

Angiqnianik taimarumania, tapkuat Katimayit huli ilitariyat munaqhittiaqnia Ryan atuqpiarahuaqnit aulartiqnia tuhaqhittivagiqhimanialu hannaiyaqnilu hanatyuhikhat atuqpiariakhai NIRB-kut huniumaitni atuttiaqnilu atuqtukhanut ukiunut qaiyunut. Kinguagut tapkuat Katimayit qangahaq tuhaqhityuta tikkuqaqtaunia Karen Costello havaligtukhaq Ataniuyunut Hivuliqti (atuliqniani June 1), Ryan naunaiqta: “Aliagiqpiaqtara kivgaqtuqni tapkuat NIRB-kut Ataniuyunut Hivuliqti qangiqttunut 8 ilaplugit ukiut niriuktungalu ihuaqtumik nuktiqnia Karen atuqtitlugit qaiyut havaguhiit.”

Ryan tamnalu aipariya Matilde nuktiqniat talvunga Prince Edward Island hannaiyaqlutik annivikha hivulliq nutarakhaqtik auyakhami. Kingulliqpaq ubluq havakvikha tapkununga NIRB-kut talvanitniq May 1, 2020.

Tapkuat Katimayit quyagiqpiaqtat Ryan ukiunut atuttiaqpiarianga kivgaqtuiniq tapkununga NIRB-kut atuttiaqtumiklu pinahuaquvakpat ilagiyanilu pinahuaqtaminutlu qaiyukhani. Nalungitavut atuqniaqtaí taimattauq akhurutigivakni piyamittuttauq tapkununga NIRB-kut kituniliqak pilagakhani niruaqtaminut pinahuaqni hivunikhami.

M. Kaur Kaling

Kaviq Kaluraq
Ikhivautalik
Nunavut Aviktulikyit Katimayit (NIRB)